





RESVRRECTION ET TRIOMPHE DE LA POLETTE.

Dedié à Messieurs les Officiers
de France.

Par le sieur de la Bruyere.



A PARIS,
Chez la veufue CLAUDE DE
MONSTR'OEIL, au Palais,
au Nom de IESVS.

1615.

Case

F

39

.326

1615 ky

THE NEWSPAPER
LIBRARY

3

A MESSIEURS

LES OFFICIERS DE

France.

MESSIEURS.
 Si le Comique Philipide
 ayant contre son espérance
 rapporté la victoire honorable
 par dessus d'autres Poetes de son temps, se laissa transporter à des esclacemens d'une ioye si extraordinaire, qu'il en perdit la vie,
 Je crois que la victoire que vous venez de conquister sur tout le reste des François, si inesperee de tout le monde, vous doit porter à des extazes & ravissements extraordinaires.

Mais ie vous coniure, Messieurs, de rapelervos esprits extaziez parmy ces contentemens, à celle fin de recevoir ces congratulations de ma Mu-

se, qui ouurant le tombeau de la Polette, en chante la resurrection triomphante.

Ceste comete fatale qui par le tombeau de la Polette sembloit vous menacer de quelque ruine prochaine est à present esuanouïe, & les celestes influéces qui n'agueres presageoient vostre malheur, cōtribuent maintenant à vostre bon heur.

Ains oserois-ie dire plustost, que toutes ces bourasques de l'infortune qui deuoïent fondre dessus vous, vous rapportét plus de bien à present que vous n'eussiez peu craindre de mal.

Courage donc, Messieurs, courage les Arboutans de la France, les oracles de nos loix, & les repaires de iustice : vostre autorité est à present rassuree, vostre opinion receuë, vostre zele & vostre affectiō reconnue au seruice de la Maïesté & au bien de

toute la France.

Les coffres de sa Maiesté presque espuisez par sa Royale liberalité regorgeront à present de finâces & vos successeurs ne pourront estre diuertis du seruice particulier de sa Maiesté par ceux qui pretendans de faire plusieurs creatures dans les offices, se promettoient de les ranger à leur deuotion.

Ceux qui conseilloyent à sa Maiesté d'abolir entierement la Polette, l'exhortoyent à comettre vne espece d'impieté & irreuerence au respect & à la memoire immortelle des Manes d'Henry le Grand, qui s'estant rendu louable en toutes ses autres actions s'est rendu d'autant plus admirable à l'establissement de la polette.

C'est pourquoy les sacrez Lares & genies tutelaires de cet estat ont inf-

piré sa Maieſté de prolonger ce droit annuel & continuer ceste polette.

A quoy tous les bons François affectionnez au ſervice de ſa Maieſté ſe ſentent ſi eſtroictement obligez qu'ils croient n'en pouuoir rendre graces ſuffiſantes à ſa Maieſté.

C'eſt à quoy, Meſſieurs, vous deuez ſupplier, & par les remerciemens que vous deuez faire à ſa Maieſté luy offrir milles actiôs de graces de la part de ſes plus fideles & affectionnez ſuieſts, & de la plus grande partie de toute la France qui eſtoit autant intereſſee à l'extinction de la polette qu'elle eſt à preſent ſatisfaicte du reſtabliſſement d'icelle.

Les veſues & leurs enfans ruynéz en la ruyne de la polette ne viendrôt plus ſe proſterner aux pieds de ſa Maieſté & troubler ſon ſacré repos par leurs clameurs & reclamer ſa iuſtice

pour se releuer de leurs pertes.

Et la plus part des meilleures maisons de France, grandement esbranlees par la reuocation de la polette sont entierement restablies par cet arrest de restablissement.

C'est vous Messieurs qui nous auez procuré ce bien & sur la croyâce desquels Sa Maiesté nous faict iouir de ce repos, aussi est-ce à vous que tous ceux qui ont esté alaictes au mont de Parnasse & qui faisant profession des lettres & de la vertu aspirent à quelque charges honorables se croient grandement obligez.

Je sçay bien que plusieurs ieunes hommes qui fondoient leurs esperances sur le tombeau de la polette s'y croient grandement interessez: mais s'ils sont bons & fideles François, ils se doiuent despoüiller de l'intérest particulier qu'ils peuvent auoir

au reſtabliſſemēt de la polette pour
ſe conformer aux volontez de S.M.

Ainſi que ie fais tres-volontaire-
ment pour mon particulier, tāt pour
le bien de la Maieſté que pour vous
proteſter de l'honneur & reuerence
que ie vous dois comme aux ſacrees
Images de mon Roy & oracles de la
iuſtice diuine.

Ceſt à ceſte conſideration, que i'ay
tracé ce triomphe de la polette & au
ſubiect que ie le vous deſdie & vous
prie tres humblement de le receuoir
d'auffi bon cœur qu'il vous eſt offert.

Tous ceux qui ſur ce meſme ſub-
iect donneront carriere à leurs plu-
mes y pourrōt rapporter plus d'elo-
quence: mais non vne volonte' plus
franche & ſincere que i'ay de vous
reſter pour iamais.

*Vostre tres-humble & tresobeif-
ſant ſeruiteur, De la Bruiere.*

RESVRRECTION

ET TRIOMPHE DE LA

POLETTE.

STANCES



E fors de mon sommeil, plustost
que d'une bierre

Car onques i: ne fus pasture d'un
tombeau.

Sii'ay pour peu de temps escluy-
psé ma lumiere,

Cest comme le Soleil pour paroistre plus beau.

Branlee assez souvent, mais i'amaïs renuersee

On ne m'a veu pourtant, ou plustost si i'efus

Pour quelque peu de temps à demy terassee,

Ce fut pour m'esleuer tousiours de plus en plus.

De mesme q'un vaisseau que la gumene arreste

Quoy qu'agité des flots ne peut estr' abatu:

De mesme tous les hurts d'une fiere tempeste,

Ne peuent terrasser ma puissante vertu.

Tous les quatre elemens mutinez pesse mesle,
 Coniurez à ma perte, esprouuent mon pouuoir
 Et malgré leurs efforts ie demeure immortelle.
 Et viens des bons François l'hommager receuoir.

To⁹ ceux qui par ma mort recherchoit de la gloi
 S'abusoiēt abusans le peuple par leurs vers (re
 Ils chantoient le triomphe auant que la victoire
 Se rendant odieux parmy cet uniuers.

Que ceux qui m'enfermoiēt dās l'enclos d'une
 froyēt que ie ne fus tributaire au trespas (biere
 Que le dart dōnemort d'une Clotō meurtriere.
 S'emoussa contre moy: mais ne me perça pas.

Frenetiques esprits qu'imaginent tout estre
 Selon que leur desir le porte au iugement.
 Ils pēsoiēt dās l'enclos d'un mauzole me mettre
 Et dedans leur tōbeau n'enfermoiēt que du vêt.

Ou bien si leurs tōbeaux enfermerēt ma cēdre
 Sy ie mourus pour lors pour reuiure à present,
 Cest ce qu'il leur fera doresnauant comprendre.
 Que dedans les enfers ma puissances'estend.

Que ie rends quãd ie veus l'impossible possible
Que i'ouure les cercueils & d'airain & de fer
Que ie meurs quãd ie veus & puis qu'il m'est loisi
De sortir quãd ie veus du plus creux de l'enfer

Mais nō ie ne mourus, mais biē pluſtoſt instrui-
Du ſcauoir des demōs & des magiques arts (te
Inuiſible rendue & commiſe à la fuite,
Des aſtres coniurez m'eſpriſois les hazards.

Dans vn temple ſacrē ie fis ma reſidence
Tandis qu'on pronōçoit l'arreſt de mon treſpas
La de mes ennemis i'eſprouuay l'impuiffance
Et vis tous leurs deſſeins bouleuerſez à bas.

Exterminer mes iours, m'eſtoit choſe facile
Nō moins que d'ebrāler les deux poles des Cieux
Cil qui l'entreprenoit eſtoit trop imbecile,
Et ſ'eſt fait condamner Jcare audacieux.

Tous ceux qui forcenez couroient à ma ruïne
Et fondoiet leurs eſpoirs deſſus mon monumēt,
Taſchoient bouleuerſer ceſte ronde machine.
Et voyent leurs eſpoirs ores mis à neant.

Et vous mes nourigons invincible cohorte
 Officiers de mon Roy n'estes vous satisfaiçts,
 Que j'aye à vos sanglots ores fermé la porte
 Et n'est-ce à ceste fois vous combler de biẽs faits.

Quels assez dignes vœux qu'elle odeur de Sabee
 Viẽdrẽs vous cõsacrer aux pieds de mes autels?
 Ne reconnoistrẽs vous ma deité sacree,
 Digne d'estre logee entre les immortels.

Par moy tant de Palais, trosnes de la iustice,
 Qui n'aguẽres bransloĩẽt sous une simple pœur,
 RasseureZ par mon bras, à leur secours propice
 Reprennent en ce mois leur premiere splendeur.

Des sacrẽs-sainçts Senats l'escarlatte esclatãte
 Qui desia palissoit se ternissant de dueil. (uãte
 Reprend son plus beau lustre en me voyant vi-
 Et puissante briser les fers de mon cercueil.

Et vous grãd Roy Louis, que le Ciel fauorable
 Et le destins amys vous comblent de bonheur.
 A la fin vous rendant à mes vœux exorable,
 Vous auez raffermý par moy vostre grandeur.

Que tant d'oracles saints paroissent veritables,
Qui vont pronostiquant les effects de ton bras,
Que les Mahometas qu'à toy seul indomptables
Reçoivent de ta main l'inopiné trespas.

Non ie ne suis pas plus obligee à la cendre
De nostre Héry le Grād qui m'auoit mis au iour
Qu'à vous qui me tirez d'un enuieux esclādre,
Et bannie de vous accordez mon retour.

Tous ceux dōt le Cōseil vous portoit au coura-
De terminer mes iours vous cōuioiēt au mal (ge
C'estoit vous animer à destruire l'ouurage,
De vostre geniteur mon astre & mon fanal.

Aussi le Ciel bening t'inspira grād monarque,
Pour ton biē pour tō heur de prolōger mes iours
C'est vn augure vray, vne infallible marque,
Qu'heureux sera tousiours de tō regne le cours.

Ceux qui sont à couuert sous ma sainte tutele
Vous restans obligez de ces grandes faueurs,
Viendront doresnauant avecques plus de zele
Vous cōsacrer leurs vœux, leurs desirs & leurs cœ.

Tandis ie veilleray pour le bien de la France.
 pour raffermir tousiours de plus en plus tes loix
 Coniurāt des hauts Dieux la supreme puissance
 De ioindre vn autre empire à l'Empire Gaulois

Ie sçay que ne pouuant complaire â tout le mōde
 L'on taschera tousiours d'abattre mon pouuoir,
 Mais puis que vostre main Royale me seconde,
 Ie feray tout courber au ioug de mon vouloir.

Et ce qui plus en fin moy mesme me cõtēte (mis,
 Cest que quād ie voudray mes plus grāds enne-
 Allechez d'vn espoir & d'une vaine attente
 De mes simples faueurs me deuiendront amis.

SVR L'ESTAT PRESENT DE LA
Polette.

SONNET

Qu'elle perplexité diuerſement m'agite?
 Je ne ſçay, ſi ie vis, ou ſi ie ne meurs pas.
 Si mourir ceſt finir, ie ſuccombe au treſpas,
 Sy viure ſubſiſter, ie vis car ie ſubſiſte.

Je vis car i'ay vaincu, aux batailles inſtruite
 Tous ceux qui malheureux me liuroient des combas:
 Leurs plus rudes efforts m'ont ſemblé des eſbas,
 Vne attaque legere, vne legere luite.

Mais ſi meurs ie pourtant, car vn temps limité
 Impoſe dans deux ans à ma fatalité
 De m'enuoyer la bas, ſous l'auerne, ou tout tremble.

Mais ſi vis ie tandis, ne fais, car c'eſt mourir,
 Puis qu'en ſi peu de temps ma vie doit finir,
 Cu bien pour dire mieux, ie vis & meurs enſemble.

FIN.

SVR L'ESTAT PRESENT DE LA

Polono.

SONNET

Le monde est un théâtre où l'on se joue
Et où l'on se voit en tous lieux et en tous temps
Le monde est un théâtre où l'on se joue
Et où l'on se voit en tous lieux et en tous temps

Le monde est un théâtre où l'on se joue
Et où l'on se voit en tous lieux et en tous temps
Le monde est un théâtre où l'on se joue
Et où l'on se voit en tous lieux et en tous temps

Le monde est un théâtre où l'on se joue
Et où l'on se voit en tous lieux et en tous temps
Le monde est un théâtre où l'on se joue
Et où l'on se voit en tous lieux et en tous temps

Le monde est un théâtre où l'on se joue
Et où l'on se voit en tous lieux et en tous temps
Le monde est un théâtre où l'on se joue
Et où l'on se voit en tous lieux et en tous temps

FIN



